



Nr. 5 2022/23

Part generala

Barat da lingua – organisaziun simpla

Movetia, l'agentura naziunala per barat e mobilitad, ha schlarià sia plattaforma "match&move". Ultra dal sustegn da persunas d'instrucziun tar la tschertga da classas da partenari vegnan purschidas da nov er pussavladads, ideas ed activitads per barats cun classas. Dal rest: Il chantun Grischun sustegna finanzialmain activitads da barat per promover las linguas chantunala e naziunala.

Plattfurma "match&move"



Dumonda per contribuziuns da barat



Procedura d'admissiun en scolas medias

La procedura chantunala d'admissiun en scolas medias grischunas è vegnida examinada. Sa basond sin in'expertisa dal professer emeritè per pedagogia gimnasiala da l'universitat da Turitg, Franz Eberle, ha la regenza decidi da mantegnair la procedura d'admissiun actuala en las scolas medias. La regenza ordinescha dentant mesiras per meglierar l'egalitatad da las schanzas en la preparaziun dals examens. Uschia survegn la nota da passagi da nov dapli impurtanza. Ultra da quai vegnan las scolas obligadas da preparar gratuitamain las candidatas ed ils candidats per l'examen. Minimalmain duai vegnir fatg en mincha rom d'examen in test da prova. L'inspecturat da scola vegn ad infurmarr las direcziuns da scola en chaussa a chaschun da las proximas sesidas dal quartal.

Festival "LernFilm"

Il festival "LernFilm" è in'iniziativa da furmaziun per classas da scola. Ella è vegnida iniziada avant passa 10 onns. Là produceschan scolaras e scolars agens films didactics per in

tema ch'els han tschernì sezs. Ils films didactics inoltrads vegnan premiads d'ina giuria dal fatg e preschentads ad in grond public en collavurazion cun SRF school a chaschun da la surdada annuala dals premis. A partir da l'atun 2023 vegn puspè averta la fanestra d'annunzia e films didactics pon vegnir inoltrads.

Independentamain dal festival "LernFilm" stattan a disposiziun gratuitamain sin la pagina d'internet da SRF school a persunas d'instrucziun material d'instrucziun nizaivel en furma da resumaziuns, d'unitads d'instrucziun e da propostas da lavour.

Festival "LernFilm" – encleger – declarar - filmar



SRF school



Center didactic regional Sargans

La scola auta da pedagogia da Son Gagl (SAPSG) maina tranter auter in center didactic regional (CDR) a Mels sper Sargans. Il chantun Grischun ha fatg ina cunvegna cun la SAPSG. Persunas d'instrucziun e classas dal Grischun pon perquai far diever gratuitamain da tut las prestaziuns da servetsch dal CDR. Quellas cuntengnan l'utilisaziun individuala da las purschidas dal CDR, la cussegliaziun da persunas d' instrucziun e da gruppas al lieu durant las uras d' aertura, l'assistenza da classas da scola tar l'utilisaziun dals arranschaments d' emprender, l'introducziun da teams en ils arranschaments d' emprender, l'emprést da chistas d' emprender sco er la participaziun a curs da perfecziunament. Visitas valan en mintga cas la paina!

Ulteriuras infurmaziuns



App d'internet per la biodiversitat

Il tema biodiversitat porscha in grond potenzial per las scolas per na discurrer betg mo da persistenza, mabain era per contribuir insatge per promover quella. L'app d'internet "BioDivSchool" è vegnida sviluppada da la Scola auta da pedagogia da Son Gagl (SAPSG) en collavuraziun cun Globe e gida ad eruir il stadi da la biodiversitat da l'agen areal da scola ed a prender mesiras sistematicas sin basa dad in rapport.

Uteriuras infurmaziuns



Exposizion "Nus ed ils auters"

Sin 17 tavlas infurmescha l'exposizion "Nus ed ils auters. Dal pregiudizi al rassissem" davart il rassissem, davart ses origin e davart la moda, co ch'el funcziuna. L'exposizion fa ina punt davent da l'epoca da la sclavaria en l'America dal Nord, sur la participaziun economica ed intellectuala da la Svizra al colonialissem ed ils 600 uffants jenics, ch'ins ha prendi davent dals geniturs durant ils onns 1926 fin 1972, fin al moviment da Black Lives Matter. I dat da scuvrir respotas a dumondas, sco per exempl "Derivain nus propi tuts da l'Africa?" e "Pertge han persunas differentas colurs da la pel?". Ultra da quai vegni mussà, ch'ils mecanissembs dal rassissem existan er oz en nossa societad ed en nossas instituziuns - er sch'els n'en savens strusch visibels - e ch'els chaschunan tractaments ineguals da minoritads. L'exposizion vegn mussada en differents lieus dal chantun Grischun fin la fin dal 2024. Las scolas dal stgalim superior han la pussaivladad da visitar l' exposizion gratuitamain.

Infurmaziuns e material didactic



Introducziun professiunala per persunas d'instrucziun (IPPI)

Dapi in pèr onns vegnan en il chantun Grischun persunas d'instrucziun sustegnidias sin il stgalim local, regional e chantunal tar la partenza en la vita professiunala. Quai succeda cun la purschida chantunala IPPI. Las offertas sa drizzan a persunas che entran en la professiun en l'emprim onn da servetsch, persunas che entran danovamain suenter in'absenza d'almain tschintg onns e persunas d'instrucziun senza scolaziun specifica durant l'emprim onn da servetsch. Durant l'onn da scola current èn sa participadas tut en tut 117 persunas d'instrucziun al project IPPI. La purschida vegn evaluada mintg'onn e valitada d'ina gronda part da las participantas e dals participants sco fitg sustegnenta ed utila. Las occurrentzas inizialas per il program IPPI 2023/24 han lieu en ils tschintg districts d'inspecturat durant l'ultima emna da las vacanzas da stad.

Introducziun professiunala per persunas d'instrucziun (IPPI)



"Not a joke" – Na dar a mobing nagina schanza!

"Quai è bain stà mo ina sgnocca!" - "N'enclegias ti betg spass?" - Questas ed outras giustificaziuns per mobing han

gia udì blers uffants e giuvenils. Però: mobing n'è betg in spass, far mobing n'è betg ina sgnocca e n'è mai legher. Quai è il messadi central da la campagna che la plattaforma naziunala "Giuventetgna e medias" ha lantschà a Berna ils 9 da matg 2023 en il rom dal Forum Giuventetgna e medias en collavuraziun cun la Pro Juventute e cun la Prevenziun Sviza da criminalitad.

Ulteriuras infurmaziuns tar la campagna



Cordials salids

Chantal Marti-Müller

Manadra USS

Andrea Caviezel

Manader inspecturat

Part regiunala

Mutaziuns en l'inspecturat da scola

Nus ans allegrain da communitgar che dunna Denise Jubin è vegnida elegida sco nova inspectura da scola per il district Plessur-Grischun central. Ella surpiglia la plaza da Philipp Hugentobler, che surprenda pels 1. da december 2023 la direcziun da l'inspecturat da scola. Denise Jubin è domiciliada a Domat e lavura actualmain anc sco manadra da scola a Wallisellen en il chantun Turitg. Nus giavischain ad ella bun success e blera satisfacziun en sia nova plaza. Davart l'attribuziun definitiva dal territori, che resulta da las midadas persunalas, infurmain nus las scolas il cumenzament da zercladur.

Occurrenza da barat ERC

Il barat professiunal per persunas d'instrucziun dad ERC e per direcziuns da scola ha lieu mesemna, ils 7 da zercladur 2023, da las 14.00 a las 17.00 en l'aula da la chasa da scola Giacometti a Cuira.

IPPI

L'occurrenza iniziala en l'introducziun professiunala per persunas d'instrucziun (IPPI) ha lieu mesemna, ils 9 d'avust 2023, da las 08.30 fin las 12.00 en l'aula da la chasa da scola Giacometti a Cuira. Nus supplitgain las direcziuns da scola ed ils presidis dals cussegls da scola dad avisar tut las novas persunas d'instrucziun a quest termin.

Engraziament e cumià

En quest lieu vulessan nus engraziar cordialmain per il grond engaschi che è vegnì prestà en las scolas grischunas per nostra giuventetgna. In spezial engraziament cun ils megliers giavischs va a tut quellas e quels che van en lur meritada pensiun e che bandunan la stad la scola.

Cordials salids

Inspecturat da scola Plessur – Grischun central, Christina Nigg (manadra), Jachen Andri Buchli, Elisabeth Caluori (secretariat), Philipp Hugentobler e Daniela Zanelli.

